

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-225-//19

Datum: 04.03.2020. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Univerzitet Sarajevska škola za nauku i tehnologiju**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Univerzitet Sarajevska škola za nauku i tehnologiju**

Obrazloženje

Dana 07.05.2019. godine Agencija je zaprimila od Ministarstva za obrazovanje, nauku i mlade Kantona Sarajevo, (u daljem tekstu: Ministarstvo) Prijedlog za imenovanje komisije stručnjaka za akreditaciju visokoškolske ustanove Univerzitet Sarajevska škola za nauku i tehnologiju, broj: 11/05-38-17793-2/18 od 30.04.2019.godine u kojem je predloženo da Agencija imenuje Komisiju stručnjaka, a u vezi sa zahtjevom za reakreditaciju visokoškolske ustanove Univerzitet Sarajevska škola za nauku i tehnologiju. Kao prilog Prijedlogu, dostavljeni su: Zahtjev za reakreditaciju Univerziteta Sarajevska škola za nauku i tehnologiju, te samoevaluacijski izvještaj u printanoj i elektronskoj formi. Agencija je uvidom u dostavljenu dokumentaciju utvrdila da Samoevaluacijski izvještaj nije izrađen u skladu sa Odlukom o kriterijima za akreditaciju visokoškolskih ustanova u Bosni i Hercegovini (Službeni glasnik BiH, broj 96/16) (u daljem tekstu: Odluka o kriterijima) i Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama). Dopisom broj: 05-33-1-225-2/19 od 08.05.2019.godine zatraženo je dostavljanje Samoevaluacijskog izvještaja izrađenog u skladu sa Odlukom o kriterijima i Odlukom o normama. Ministarstvo je dana 20.06.2019.godine dostavilo dokumentaciju u skladu sa zahtjevima Agencije.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, a nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.)

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

Okvirnog zakona i da je sastav Komisije stručnjaka predložen u skladu sa Odlukom o normama, u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-225-5/19 od dana 01.10.2019. godine.

Komisija stručnjaka je dana 28.11.2019.godine Agenciji dostavila Izvještaj o eksternoj evaluaciji visokoškolske ustanove **Univerzitet Sarajevska škola za nauku i tehnologiju**, radi izdavanja preporuke o akreditaciji visokoškolske ustanove.

Uvidom u Izvještaj, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te
- da je u skladu sa Odlukom o normama i Odlukom o kriterijima.

U skladu s Odlukom o normama, Komisija stručnjaka je ocijenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *potpuno ispunjen*
- f) Resursi za učenje i podrška studentima: *potpuno ispunjen*
- g) Upravljanje informacijama: *potpuno ispunjen*
- h) Informisanje javnosti: *potpuno ispunjen*
- i) Kontinuirano praćenje i periodična revizija programa: *potpuno ispunjen*
- j) Periodično vanjsko osiguranje kvaliteta: *potpuno ispunjen*

U cilju postupanja Agencije u skladu sa članom 49. alineja 5) Okvirnog zakona, u smislu izdavanja preporuke za predmetnu visokoškolsku ustanovu, te kako bi se na odgovarajući način mogla steći ukupna slika o ispunjenosti zahtjeva kriterija, propisanih u Odluci o kriterijima, i datih ocjena Komisije stručnjaka u Izvještaju, Agencija je postupila u skladu sa članom 4. Instrukcije o davanju preporuke, te aktom broj: 05-33-1-225-8/19 od 11.12.2019.godine, od Komisije stručnjaka dodatna pojašnjenja u smislu davanja analitičkog osvrta na ispunjenost zahtjeva kriterija uz davanje konkretnih primjera implementacije procedura, osvrta na prethodni proces akreditacije, kroz primjere unaprijeđenja unutrašnjeg sistema osiguranja kvaliteta kao i obrazloženja navoda koje su i sami stručnjaci ocijenili kao kontradiktorne. Dana 05.02.2020.godine dostavljeno je pojašnjenje Izvještaja Komisije stručnjaka.

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima

- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove Univerzitet Sarajevska škola za nauku i tehnologiju, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.

22 Direktor

Prof. dr. Enver Halilović

Dostaviti:

- Ministarstvo za obrazovanje, nauku i mlade, Kanton Sarajevo
- Univerzitet Sarajevska škola za nauku i tehnologiju
- Sektor 05
- ala



